

毛詩傳箋異義解

毛詩傳箋異義解卷之十五

震澤沈 鎬

大雅

汔可小康

傳汔危也箋汔幾也今周民罷勞矣王幾可以小安之
乎正義傳以汔爲危旣無正訓又小康者安此勞民直
以勞民須安不當更云危也釋詁云讎近也孫炎曰汔
近也郭璞曰謂相摩近反覆相訓是汔得爲幾也鎬案
易井汔至亦未繙井未濟小狐汔濟虞注皆云汔幾也
與此箋義同蓋謂周民亦已勞矣王庶幾可小安之文

義視傳以汙爲危較順李氏標曰汙毛氏曰危也鄭氏
曰幾也毛氏之說以爲民皆罷勞而又危則其說不甚
簡徑不如鄭氏之說爲優言告於王曰當時之民亦勞
苦矣庶幾厲王可以少安之乎此說甚允左氏昭二十
年傳汙可小康杜注汙其正義引後漢書班超傳注引
詩汙其也易否其亡集解其與幾同范氏處義曰汙終
也文選三都賦注引詩劉良曰汙已也俱與箋義不合
非也漢書元帝紀引作汙可小康亦非

以謹醜厲

傳醜眾厲危也箋厲惡也春秋傳曰其父爲厲厲壞也

銅案易墜墮得黃金貞厲遜有疾厲虞注穀梁定元年
傳厲也注廣雅釋詁皆云厲危也與傳義同左氏昭二
十四年傳誰生厲階注國語齊語而無大厲注太元疑
貞厲注莊子齊物論厲與西施釋文皆云厲惡也與箋
義同禮曲禮上曰人有禮則安無禮則危蓋惟爲惡故
至於危毛鄭義可通箋引傳復以厲爲壞以本句厲字
與下文敗字合爲一解則反覺支離耳

戎雖小子而式宏大

傳戎大也箋戎猶女也式用也宏猶廣也今王女雖小
子自遇而女用事於天下甚廣大也易曰君子出其言

善則千里之外應之况其邇者乎出其言不善則千里之外違之况其邇者乎是以此戒之孫毓云戎之爲汝詩人通訓言大雖小子於文不便箋義爲長鎬案孫說是也范氏處義曰戎猶汝也說者謂戎之爲汝詩人通訓古者君臣相爾汝未示親愛小子則年少之通稱故周之頌詩詰命皆屢稱小子不以爲嫌是詩及板抑以厲王爲小子意其卽位未久年尙少已昏亂如此故抑又謂未知臧否則年少可知矣穆公謂王雖小子而用事甚廣大不可忽也李氏樗曰戎雖小子而式宏大者言王雖號小子而所係天下之事甚重不可不慎也二

說均依箋義是也輔氏廣曰以小子稱同列必是長老者之辭觀下篇可見以身言之則是小子以職言之則是王官故曰戒雖小子而式宏大嚴氏祭曰戒其同列之用事者云汝雖小子而所用事甚大豈可樂佞諛而縱詭隨乎此詩戒雖小子及板詩小子躋躋皆戒責同寮故稱小子耳然此篇序云召穆公刺厲王也下篇序云凡伯刺厲王也均無同列相戒之意二說皆非

爲猶不遠

傳猶道也箋猶謀也爲謀不能遠圖不知禍之將至鎬案爾雅釋宮猶道也釋詁猶言也注猶者道道亦言也

傳以上句話爲善言以此猶爲進道則言也蓋以爲言爲不然則爲言不遠正所謂言之無文行而不遠也本句與上句意自一貫箋以猶爲圖謂爲謀不能遠圖下猶之未遠箋云王之謀不能圖遠辭意前後複沓正義申毛謂王之所爲之道不能長遠以道作道理解恐非毛旨

价人維藩

傳价善也箋价甲也被甲之人謂卿士掌軍事者釋文价音界說文同鄭作介被皮寄反鎬案說文价善也从入介聲詩曰价人維藩此用傳義汪氏異義曰疏申箋

謂於周禮爲司馬之卿稍之經典無以甲人稱卿大夫
士者唯月令車右名保介以其時衣甲居右用備非常
因以保介言之其在周禮則曰司右曰勇力之士不謂
之甲人也司馬掌軍不常被甲以甲人目之恐非經旨
此說是也范氏補傳曰价與介通用古者行禮有賓則
有介蓋介有佐輔之義以詩人之取喻言之藩籬外也
垣牆內也屏以蔽其外翰以扞其內城則包是四者而
域之者也价人意其大臣之在外爲方伯連帥者故曰
維藩此更不如箋以价爲甲以价人爲甲士之尙有依
據其說非也爾雅注漢書諸侯王表引詩价俱作介介

甲也此疑是三家詩康成本之

流言以對

傳對遂也箋女執事之臣宜用善人反任彊禦眾懟爲
惡者皆流言謗毀賢者王若問之則又以對正義申毛
謂爲流言以遂成其惡事者申鄭謂言此彊禦眾懟爲
惡之人作爲流言謗毀賢者若王問賢人則以此謗毀
而對使王不得用之篇案爾雅釋言禮記祭統對揚以
辟之注皆云對遂也易大壯上六不能退不能遂虞注
遂進也遂有進義對亦有進意傳意蓋謂彊禦多懟之
人爲謗毀賢者之流言以進於王箋云王若問之則又

以對正以申毛非有異義正義云遂成其惡非毛旨也
李氏樛曰流言以對言好爲流言以荅人主之問輔氏
廣曰採取浮浪不根之言以應對於上嚴氏粲曰此人
問之則以流言對非忠言也數說均與傳箋意合是也
人尙乎由行

傳言居人上欲用行是道也箋時人化之甚尙欲從而
行之不知其非正義申毛曰如傳此言則以尙爲上由
爲用言居人上欲用行此道謂欲使天下民從己之行
申鄭曰時人化之甚尙欲從而行之不知其非鑄案玩
下文二句語意是言天下化厲王之惡由近及遠則此

句亦宜言人從厲王之惡上下詞氣方一貫李氏集解
曰其小大已近於喪亡矣而當時之人尙安而行之恬
然不以爲慮也范氏補傳曰君臣上下無小無大皆近
於喪亡矣而一時之人尙由而行之不知其非均依箋
義是也

遠猶辰告

傳猶道辰時也箋猶圖也爲天下遠圖庶事而以歲時
告施之正義申毛謂爲長遠之道而以時節告民施之
申鄭謂以命既是道故以猶爲圖旣云謀定而別云時
告則謀定時未告也太宰職曰正月之吉始和布治於

邦國都鄙乃懸治象之法於象魏使萬民觀治象決日而斂之小宰職曰正歲帥治官之屬而觀治象之法周禮言正歲者皆謂夏之正月太宰言正月懸之小宰言正歲觀之則是再懸之也故彼注云正月周之正月也吉謂朔日也太宰以正月朔日布王治之事於天下至正歲又書而懸於象魏使萬民觀焉周禮六官其存者五惟春官無此事然春官主禮周公所制永爲定法更不更張故不須再懸王之教命不過六典故以大謀定命謂正月始布政教于邦國都鄙也爲天下遠圖庶事而以歲時告施之卽正歲懸之象魏是也鎬案爾雅釋

三言傳令書
宮猶道也釋詁猶言也注猶者道道亦言也傳蓋以道
字作言字意解指號令而言謂以遠大之事見諸號令
以時告之箋謂爲天下遠圖以歲時告施之亦謂以遠
圖施諸號令傳箋義可通也

用邊蠻方

傳邊遠也箋邊當作剔剔治也蠻方蠻畿之外也此時
中國微弱故復戒將帥之臣以治軍實女當用此備兵
事之起用此治九州之外不服者正義申毛謂蠻方之
來內侵者當遂令遠去使不得來侵申鄭謂以用戒戎
作謂兵戎備之則用邊蠻方謂遠方不服則剔治之故

知湯當作剔剔謂治毛髮故爲治也鎬案爾雅釋詁湯遠也說文逃遠也从辵狄聲湯古文逃易渙卦渙其血去逃出注書牧誓逃矣西土之人傳左氏僖二十八年傳糾逃王慝注史記司馬相如傳逃聽者風聲集解引徐廣均云逃遠也與傳義同朱氏集傳曰湯遠也范氏補傳曰思患豫防則雖蠻夷亦將遠去而不爲患湯猶遠也二說俱依傳蓋傳義本允不必易也

無言不讎

傳讎用也箋敎令之出如賣物物善則其售賈貴物惡則其售賈賤釋文讎市由反徐云鄭市又反售市又反

一本作讎此音則與毛同正義申毛謂王之所出無有一言而不爲人用申鄭謂箋以用非讎之正訓且與報德連文故以爲讎報物價釋詁云讎匹也是匹敵相報故應對物價爲之讎鎬案說文讎猶應也从言讎聲一切經音義一引三蒼漢書王莽傳亡言不讎注皆云讎對也應對均與報字意同正義謂應對物價爲之讎是也箋義爲長史記高祖紀讎數倍集解引如淳云讎亦售蓋讎售二字通用故經作讎箋釋作售本又作讎也韓詩外傳讎作酬藝文類聚讎作訓書召誥讎民釋文讎字或作酬一切經音義十八引蒼頡解詁訓亦酬字

訓報也蓋讎酬訓三字皆音同義可通列女傳周忠篇
讎作醺一切經音義八酬古文醺蓋酬醺古今字

淑慎爾止

傳止至也爲人君止於仁爲人臣止於敬爲人子止於
孝爲人父止於慈與國人交止於信箋止容止也當
慎女之容止鎬案箋以止爲容止與下句複當以傳義
爲長正義申毛謂其說君子唯當言止於仁耳因彼成
文而盡引之此說謬矣序云抑衛武公刺厲王亦以自
警也則止敬止孝止慈止信何莫非人主本身作則之
要耶李氏楊曰在容止之地能淑謹之而不愆於威儀

毛詩傳箋異義解

卷之十五

此合下句爲一事朱氏善曰容止不可以不慎威儀不可以不謹此與下句爲二事皆非也

倬彼昊天

傳昊天斥王者也箋倬明大貌昊天乃倬然明大而不矜哀下民怨愬之言正義傳以蕩蕩上帝皆斥君王故以此亦斥王者箋以倬爲明大之貌此屬王暗亂不得稱倬然彼昊天故易傳以天爲上天此是下民怨訴上天之言鎬案詩人之意深望王之矜而王不矜無所控告而愬之於天言在天而意自在王傳箋義可通

民靡有黎

傳黎齊也箋黎不齊也言時民無有不齊被兵寇之害者正義黎眾也眾民皆然是齊一之義箋以黎爲不齊但義勢當然言無有不齊被兵寇者耳鎬案傳義爲長淮南主術百姓黎民注黎齊也與傳義同汪氏異義曰傳義當矣箋訓黎爲不齊黎訓眾從眾轉齊則可從齊義轉不齊則曲矣胡氏後箋曰黎齊亦疊韻爲訓莊子漁父篇以化於齊民漢書食貨志亂齊民顏注云無有貴賤謂之齊民若今之平民矣據此知齊民卽黎民矣世治則民皆齊平亂則反之故云民無有齊平者耳二說皆是也

孔棘我圉

傳圉垂也箋圉當作禦甚急矣我之禦寇之事正義申
毛謂甚急矣我之在於邊垂言已守邊之勞甚也申鄭
謂若守邊垂不得爲無所定處且云我垂於文不足故
以爲禦寇之事鎬案爾雅釋詁圉垂也孫注云圉國之
四垂也左氏隱十一年傳亦聊以固吾圉也注圉邊垂
也水經渠水注圉邊陲之號與傳義同此經我圉正與
左傳吾圉文同於文竝無不足如箋以圉爲禦寇單說
圉字眞於文不足矣周在西自西而徂戍於東故曰靡
所定處何云若守邊垂不得爲無所定處耶正義申鄭

之說非也

好是稼穡力民代食稼穡維寶代食維好

傳力民代食代無功者食天祿也箋今王之爲政但好任用是居家吝嗇於聚斂作力之人令代賢者處位食祿此言王不尙賢但貴吝嗇之人與愛代食者而已釋文稼王申毛音駕謂耕稼也鄭作家謂居家也下句稼穡維寶同穡本亦作嗇音色王申毛謂收穡也鄭云吝嗇也尋鄭家嗇一字本皆無禾者下稼穡卒痒始從禾鎬案此篇稼穡字凡三見傳俱無文蓋以稼穡二字文義易明無須詁訓如果此二句稼穡與稼穡卒痒句異

解毛當有傳以區別之此必然之事也鄭以傳無明文遂意爲更張不可從當以王申毛爲正代食二語亦以傳義爲優朱氏集傳歐陽氏本義李氏集解范氏補傳均作稼穡朱氏善曰世治而行其道則祿食爲無愧世亂而守其志則稼穡爲無憾姚氏舜牧曰民有嗛心是欲進而與國家爲謀爲謀者非云不逮者眾皆謂時之不可而止之不行也所以甘稼穡以食其力耳二說意與傳異而稼穡則與王申毛同韓詩外傳晉平公時寶藏之臺燒公子晏子獨束帛而賀曰王者藏于天下諸侯藏于百姓公曰善自今已在請藏于百姓之間詩曰

稼穡維寶代食維好可見韓詩亦作稼穡其作家晉者
康成之臆見耳

考慎其相

傳相質也箋慎誠相助也考誠其輔相之行然後用之
言擇賢之審釋文相毛如字鄭息亮反正義傳讀相如
金玉其相故以爲質謂大賢之人有美質者其考慎之
義亦當與箋同慎誠釋詁文箋以相爲相導之相故爲
助也假使眾雖同舉或言非誠信又當考察誠信其輔
相之行知其實善然後用之言其擇賢之審鎔案箋義
爲優毛以相爲質正義申之謂用其賢之有美質者夫

既爲賢矣以之爲臣矣豈第重其質之美乎此說不如
鄭之當朱氏集傳曰考擇其輔相必眾以爲賢而後用
之范氏補傳曰考擇其輔相故其所用者皆天下之所
謂善李氏集解曰內能秉持其心外則宣其謀猷於眾
已以爲然眾人亦以爲然故能考察慎擇其相所任之
人無非賢者均從箋義是也

貪人敗類

傳類善也箋類等夷也鎬案爾雅釋詁左氏僖二十四
年傳召穆公思周德之不類注國語晉語正名育類注
荀子儒效其言有類注均云類善也此與傳文同說文

類種類相似唯犬爲甚从犬類聲國語周語其類維何
注類族類也素問解精微論其行類也注類謂同類荀
子王制無法者以類舉注類謂比類此與箋義同此經
宜兼用傳箋而義始明蓋謂貪惡之人敗其善類也朱
氏集傳曰敗類猶言圯族也蔡氏沈曰圯敗族類也言
與眾不和傷人害物也范氏處義曰此章謂王旣不能
用善良所用皆貪人以致敗其善類如大風之徑隧無
物不從而靡惡之敗善其烈如此諸說均兼傳箋義是
也左氏文元年杜注隧蹊徑也言貪人之敗善類若大
風之毀壞眾物潛夫論過利篇云言是大風也必將有

隧是貪民也必將敗其類亦俱與傳箋意同

既之陰女反予來赫

傳赫炎也箋口距人謂之赫我恐女見弋獲既往覆陰女謂啓告之以患難也女反赫我出言悖怒不受忠告釋文陰鄭音陰覆陰也王如字謂陰知之赫毛許白反光也與王赫斯怒同義本亦作赫鄭許嫁反莊子云以梁國嚇我是也鎬案說文焮火赤兒从二赤廣雅釋器赫赤也文選西京賦叛赫戲以輝煌薛注赫戲炎盛也江漢赫赫明明釋文赫本作嚇莊子秋水仰而視之曰嚇釋文引司馬注嚇怒其聲又云嚇本作呼是赫嚇二

字義不相假傳訓爲炙自是赫字本義箋云口拒人是
以嚇爲赫矣毛於皇矣王赫斯怒無傳自以赫爲怒貌
淺而易明耳此獨以炙也訓之其不與彼同義可知陸
孔以毛爲與王赫斯怒義同非也陸云赫毛許白反光
也光可以爲怒貌乎并云本亦作赫更不可解豈傳寫
有誤歟王肅述毛謂反來嚇炙我以箋義併入傳義誤
正義旣云定本集註毛傳赫炙也復以肅說爲傳意或
然亦混傳箋而一之復云俗本誤也而未言俗本作何
字定本旣作赫則意俗本係作嚇然以作嚇爲誤何以
肅說爲然也斯不可解矣

職涼善背 涼日不可

傳涼薄也箋職主涼信也民之行失其中者主由爲政者信用小人互相欺違釋文涼毛音良鄭音亮下同箋我諫止之以信言女所行者不可鑄案說文涼薄也从水京聲左氏莊三十二年傳號多涼德注昭四年傳君子作法於涼注皆云涼薄也與傳合是涼字本訓說文諒信也从言京聲邶柏舟不諒人只御覽四百三十九作不涼人只大明涼彼武王釋文本亦作諒漢書五行志涼陰之衷注涼信也與箋合蓋諒涼二字通故諒爲信涼亦爲信也今釋文義傳說爲長正義謂言下民之

爲此無中和之行主爲偷薄之俗唯善於相欺背之事
是由上行惡政故使之然是也李氏樗曰職涼善背鄭
氏以爲信不如毛氏以爲薄言民之罔中由所主者薄
德之人善相棄背也范氏處義曰此章謂民之所以罔
中者由在位之人有薄德而善爲反覆二說均依傳義
亦是也阮氏校勘記曰唐石經涼作諒案唐石經非也
釋文職涼毛音良薄也鄭音亮信也下同所云下同者
卽此涼日之涼是也正義因此涼字無傳遂取鄭爲毛
說而云故我以信言諫王曰云云不知此涼字毛自與
上傳同訓爲薄不訓爲信也然其本亦未必竟改經作

諒字唐石經乃始上作涼此作諒失之甚矣此說甚允
后稷不克上帝不臨

箋克當作刻刻識也奠瘞羣神而不得雨是我先祖后
稷不識知我之所困與天不視我之精誠與正義申毛
謂毛無破字之理必不與鄭同蓋以克爲能王肅云后
稷不能福祐我耶上帝不能臨饗我耶傳意或然申鄭
謂以上帝不臨者上帝不視下則后稷不克者當謂后
稷不知己故轉克爲刻刻削所以記識故云刻識也鎬
案傳義爲長箋旣破字義亦近迂大明上帝臨女傳無
文箋以臨爲視正義卽以上天之帝旣臨視汝申毛此

亦當同彼王肅臨饗之說非也范氏處義曰舉其神之尊者曰后稷曰上帝而訴之謂后稷既不能救我之旱上帝又不降監我之誠李氏樛曰后稷不能佑我上天不臨助我二說皆是也春秋繁露郊祀篇曰宣王自以爲不能乎后稷不中乎上帝故有此災愈恐懼而謹事天文法倒置與傳義異竝與箋義異其說非也

胡不相畏先祖于摧

傳摧至也箋摧當作噍噍嗟也天將遂旱餓殺我與先祖何不助我恐懼使天雨也先祖之神于嗟乎告困之辭釋文相毛如字鄭息亮反摧在雷反又子雷反鄭作

唯子雷反正義孫毓云我今死亡先祖之神于何所至
言將無所歸也今以孫爲毛說箋以先祖于至於辭不
安故轉推爲唯鎬案爾雅釋詁文選東京賦五精帥而
來推均云推至也與傳義同毛意蓋謂昊天上帝不使
我民有留遺乎胡不共相畏懼以挽回天心其能與共
相畏懼者先祖耳因思先祖尙其來而至乎意甚正常
箋旣改字義亦不如毛優陳氏啓源曰孫說轉至爲歸
義太迂源謂至者猶云來格耳言酷旱如此天將使我
民無有留遺先祖之神何不助我畏此旱災而來格乎
毛意或如此此解推字合毛義而以相爲助則以鄭義

爲毛義矣胡氏承珙曰釋文云相毛如字此胡不相畏
與雨無正句同相字當如字讀言先祖見此旱災何不
相與畏懼而來至乎不必如鄭訓助也胡不相畏本指
先祖則先祖之文當在胡不之上正義謂下之與于摧
共句是也若如孫毓之解則于摧二字中間須增何所
二字經文爲不辭矣箋以于摧爲于嗟告困之辭則是
呼先祖而于嗟以告之鄭於詩文多作此解如昊天不
惠昊天不平等皆以上二句爲呼辭下二字乃所以告
之按之文義終未甚浹適也此說是也何氏楷曰胡不
相畏對大夫君子言之言我君子何可不相與畏懼乎

季氏本曰先祖之業以得民而成無民則先祖之業亦摧落矣安可不畏李氏樛曰無民則無君矣何不相畏先祖之業至此摧敗矣范氏處義曰天不遺與我以民豈不相畏併與先祖之基業亦將摧敗乎數說大指相同與傳義背竝與箋義歧非也

我心憚暑

傳憚勞箋王心又畏難此熱氣如灼爛於火言熱氣至極釋文憚毛丁佐反韓詩云苦也鄭徒旦反正義申毛謂我王之心又勞於暑熱之氣憂在於心如爲火所熏灼申鄭謂箋以暑熱人之所畏故讀爲憚徒旦反憚猶

畏也鎬案小雅大東哀我憚人傳憚勞也箋申之曰哀其民人之勞苦者蓋憚人猶云勞人哀我憚人猶巷伯云矜此勞人義自順當若云勞暑文義未安當以箋義爲長

靡人不周無不能止

傳周救也無不能止言無止不能也箋周當作賙王以諸臣困於食人人賙給之權救其急後日乏無不能豫止正義申毛王肅云靡人而不周其急也其發倉廩散積聚有分無多分寡無敢有不能而止者言上下同也申鄭謂上言王之於臣祿餼不足則此言當爲王救羣

臣不宜爲羣臣救人故易傳鎬案時逢大旱百姓困苦斷無舍百姓而周羣臣之理序云天下喜於王化復行百姓見憂蓋其時諸臣能體王心無人不周救百姓不忍以不能而遂止上下同心愛民如子故仍叔探本而美宣王也當以王肅述毛之說爲優孟子萬章君之於氓也固周之集注周救也視其空乏則周卹之無常數禮記月令周天下注周謂給不足也書武成傳救乏卹無釋文卹本亦作周蓋周卹二字通此經作周亦不必如鄭改作卹也黃氏佐曰靡人不周謂各竭精誠以回天意而救百姓無不能止無有以天意不可回百姓不

可救而遂止不爲也朱氏集傳曰周救也無不能止言
諸臣無一人不周救百姓者無有自言不能而遂止不
爲也胡氏後箋曰春秋時列國有災卿大夫尙有能出
所蓄以賑貧民者如楚子文宋公子鮑之類則宣王之
時羣臣以祿食之餘周給百姓固其宜矣若謂臣困於
食而王給之則是給其祿餼不當言周且周官荒政十
二竝無賑給羣臣之條庶正冢宰位高祿厚此而待賑
民當若何況救荒當先及小民亦不應但給有位也準
此言之傳義誠不可易三說均是也范氏補傳曰靡人
不周徧奔走無不能止其庶事以懼禍謂羣臣如此則

我之在尊位如何安處乎此與毛異并與鄭異夫懼禍何以云止其庶事義不可解其說非也

昭假無贏

傳假至也箋假升也王仰天見眾星順天而行嘒嘒然意感故謂其卿大夫曰天之光曜升行不休無自贏緩之時釋文假音格沈云鄭古雅反正義假至釋詁文王肅云大夫君子公卿大夫也昭其至誠於天下無敢有私贏之而不敷散大夫君子所以無贏者以民近死亡當賑救之以全汝之成功傳意或然假升釋詁文以承天星之下宜爲天星光曜升行故易傳也鎬案易萃王

假有廟豐王假之虞注漢書成帝紀惟先假王正厥事
注俱云假至也與此傳同說文贏有餘賈利也从貝羸
聲廣雅釋詁羸餘也漢書食貨志上則不可得羸注羸
餘利也一切經音義十二引字林羸有餘也此經蓋卽
根上靡人不周說謂爾大夫君子昭其至誠以賑百姓
無復有餘財矣王肅之說是也箋義近迂

以作爾庸

傳庸城也箋庸功也召公既定申伯之居王乃親命之
使爲法度於南邦今因是故謝邑之人而爲國以起女
之功勞言尤章顯也正義申毛曰傳以下云有假其城

故以庸爲城申鄭曰庸功釋詁文以王命申伯當意在顯其功不宜直言爲其作城而已故易傳也鎬案皇矣以伐崇墉傳周頌良耜其崇如墉傳俱云墉城也以伐崇墉後漢伏湛傳作以伐崇庸禮記郊特牲君南向于北牖左氏襄九年祝宗用馬于四庸釋文俱云庸本作墉蓋庸墉古字通故傳以庸爲城周禮司勳民功曰庸太宰五曰保庸注保庸安有功者故箋以庸爲功下章明云有倣其城此不宜以庸爲城箋義爲長段氏昌武曰起發其功使之彰顯庸民功也封於謝以作其民功范氏處義曰蓋欲因謝邑之眾大以表申伯有功於民

爾二說是也胡氏承珙曰箋易傳訓勞申伯之勞何必因謝人而始章顯乎不知箋云爲國以起女之功勞乃言申伯得謝邑之人可以大起民功並非專言封謝邑以顯其已成之功胡說誤

錫爾介圭以作爾寶

傳寶瑞也箋圭長尺二寸謂之介非諸侯之圭故以爲寶諸侯之瑞圭自九寸而下正義寶者居守之辭非瑞信之語故易傳孫毓云特言賜之以作爾寶明非五等之玉且申伯受侯伯之封當信圭七寸又不得受上公之制九寸桓圭而謂之介箋義爲長鎬案孫說非也尺

二寸者是天子之鎮圭斷無以此錫諸侯之禮說文玠大圭也从玉介聲周書曰稱奉玠珪書作介此經亦作介介大也介圭者大圭也錫申伯之大圭命圭耳圭命於天子爲國之寶故曰以作爾寶呂氏詩記曰韓奕曰以其介圭入覲于王則當是諸侯之瑞圭蓋介之爲言大也詩人特美大其圭而稱之也嚴氏詩緝曰特賜汝以大圭爲汝所執之瑞亦侈君賜而美大之也朱氏集傳曰介圭諸侯之封圭也汪氏異義曰釋器云珪大尺二寸謂之玠以鎮圭言也然命圭亦得通謂介圭說文玠大圭也周書曰稱奉玠圭是也傳訓寶爲瑞謂命圭

也若鎮圭天子所守宣王安得以錫申伯諸侯玉璫頒
自王朝故曰命圭聘禮記圭璋璧琮凡四器者唯其所
寶以聘可也命圭何嘗不可以言寶此與韓奕介圭皆
傳義爲正諸說均是也

往近王舅

傳近已也箋近辭也聲如彼記之子之記釋文近音記
正義以命往之國不復得與之相近故轉爲已以爲辭
也近得爲已其聲相近故箋申之曰如彼記之記也鎬
案近當作近音記其作近者傳寫之訛耳臧氏琳經義
雜記曰案近乃近字形近之譌說文刀部近古之邇人

以木鐸記詩言从辵从丌丌亦聲讀與記同又丌讀若箕與其同聲故彼記之子亦作彼其之子詩以丌字聲與記其同故備用之鄭从許慎讀若記故云辭也毛傳爲已則音以蓋古已已丌聲皆相近也正義曰歎而送之往去已此王之舅也得毛旨矣正義又曰以命往之國不復得與之相近故轉爲已以爲辭也然則唐時木已作近孔仲達亦不知本作丌矣此說是也段氏玉裁詩經小學曰已與忌同大叔于田傳云忌辭也此傳謂近者已之假借箋申之曰已辭也讀如彼記之子之記王風彼其之子箋曰其或作記或作已讀聲相似鄭風

箋曰忌讀如彼己之子之己蓋其忌記己近五字同詞之助也己作戊己字今本毛詩此及王鄭風作己止字誤又鄭釋毛云己辭也今本仍作近誤經傳近誤作近則自唐然矣惟宋廖氏本作近胡氏承琪曰段氏謂箋當作己辭也乃戊己之己不作己止之己此說非是傳釋近爲己是往近王舅卽往己王舅猶洛誥云予往己也鄭恐人不明近字訓己之義故謂經近字爲語辭也又古人於己午之己已止之己人已之己讀聲皆相似故毛以近爲己鄭讀己如記未必如後人分己午爲詳里切己止爲羊里切人已爲居擬切也此駁段說是也

段謂鄭釋毛云己辭也今本仍作近誤然玩正義申鄭數語則鄭本本作近段以爲鄭作己者更不知其何所據而云然矣

戎有良翰

箋戎猶女翰幹也申伯入謝徧邦內皆喜曰女乎有善君也相慶之言正義毛於戎字皆訓爲大知此亦與鄭不同鎬案箋義爲長朱氏集傳曰申伯旣入謝周人皆以爲喜而相謂曰汝今有良翰矣范氏補傳曰周人皆喜相謂曰汝有良翰矣謂其足以爲周室之幹也李氏樛曰徧國之人莫不喜曰女有良翰矣申伯爲四國之

稽故其所至之國莫不喜其有良翰也三說均從箋義是也唯朱范解上句周字與鄭未合

以贈申伯

傳贈增也箋又使之長行善道以此贈申伯者送之令以爲樂釋文贈詩之本皆爾鄭王申毛竝同崔集注本作贈增也崔云增益申伯之美正義鄭唯贈送一字別鎬案古音不分四聲贈增音同義可通故傳以贈爲增孟子告子下曾益其所不能荀子注曾作增曾與增亦音同義通也臧氏琳曰案箋則鄭申毛本作增崔集注本是也箋云送之令以爲樂者解所以作誦增益之意

非訓贈爲送正義誤以鄭訓贈爲送與陸同今徐鉉本
說文贈玩好相送也此當是後人私改家藏寫本徐鉉
說文作贈增也毛許往往相合益可證詩傳之本作增
矣胡氏承珙曰案贈从曾聲說文會下云从曾省曾益
也送遺是增益之事故贈當兼增送二義如賸下云物
相增加也一曰送也增其本義送其引伸之義也秦風
渭陽何以贈之傳贈送也彼但言車馬故取玩好相送
之訓此云作誦以贈有增益德美之義當以崔本爲正
二說均是也

續戎祖考

傳戎大也箋戎猶女也王曰女施行法度於是百君繼
女先祖先父始見命者之功德鎬案箋義爲長如傳意
則說成繼大祖考於文太不辭范氏處義曰續繼也戎
汝也其德足以爲百辟之法亦繼汝祖考之舊也黃氏
標曰續戎祖考云者言其先祖父皆有大功於前聖今
爾其可不思所以繼之乎二說俱依鄭義是也白帖續
作纂爾雅釋詁纂繼也與續音義同也劉氏帝臣曰權
德輿有云魯獻公仲子曰仲山甫入輔于周食采于樊
則是續戎祖考謂周公及獻公也徐氏璈曰按元和姓
纂周太子虞仲支孫爲周卿士食采于樊因命氏今

河南陽樊是也周有樊穆仲字山甫二說劉氏近之

我儀圖之

傳儀宜也箋儀匹也釋文儀毛如字宜也鄭作儀儀匹也正義申毛謂人之此言實得其宜乃圖謀之觀誰能行德維仲山甫獨能舉此德而行之申鄭謂儀匹釋詁文然則鄭讀爲儀故以爲匹以言圖之當與前人共謀故易傳也鎬案玩釋文數語知毛傳及經文之作義也無疑鄭改義作儀而不云義當作儀者義與儀古同聲假借字也今釋文義毛義爲長阮氏校勘記曰釋文儀毛如字宜也鄭作儀儀匹也正義儀匹釋詁文然則鄭

讀爲儀故以爲匹據此知釋文正義二本字皆作義鄭以義爲儀之假借耳未嘗改爲儀也唐石經乃竟作儀字誤此說是也汪氏異義曰傳訓義爲宜當謂德輕而民莫舉我宜謀自舉之而亦不能惟仲山甫克舉此德胡氏後箋曰傳意似當謂德之精微民鮮能舉我以事物之宜圖度之惟仲山甫所行無弗合者故知其能舉也二說胡氏爲允

愛莫助之

傳愛隱也箋愛惜也仲山甫獨能舉此德而行之惜乎莫能助之者正義申毛謂其德義深遠而隱莫有能助

行之者申鄭謂愛者恡惜之言故爲惜也惜其無助則爲歎傷之深故易傳也鎬案呂覽達鬱厥也愛君之醜也汪愛惜長利不足愛也汪愛亦惜也史記魏其武安侯傳豈以爲臣有愛索隱愛猶惜也與此箋義同范氏處義曰維山甫乃秉彝之民故能舉是德惜乎莫有助之者此從箋說是也當以鄭義爲長

維禹甸之

傳甸治也禹治梁山除水災箋梁山之野堯時俱遭洪水禹甸之者決除其災使成平田定貢賦於天子鎬案傳義爲長解見小雅信南山篇

續戎祖考

傳戎大箋戎猶女也鎬案箋義爲長解見烝民篇

虔共爾位

傳虔固其執也箋古之恭字或作其釋文其毛九勇反
鄭音恭云古恭字正義虔固其執皆釋詁文彼唯其作
拱耳傳讀爲拱故爲執也言古之恭字或作其則爲恭
敬之義鎬案爾雅釋詁拱執也儀禮鄉飲酒禮退其注
其拱手也衛坻箋以自拱持釋文拱又作其列子說符
臣有所與其釋文其一作拱是其與拱通也書皋陶謨
愿而恭甘誓今予惟恭行天之罰史記夏本紀恭俱作

共牧誓今予發惟恭行天之罰周本紀恭作共是共與
恭通也劉氏釋名釋言語恭拱也自拱持也是恭與拱
通也傳以爲執是以共爲拱取奉持之義言能守也虔
其爾位言能固守爾位也箋以其爲恭亦爲拱持義若
如正義申鄭謂爲恭敬則與虔固義不洽恐非箋旨

汾王之甥

傳汾大也箋汾王厲王也厲王流于僈僈在汾水之上
故時人因以號之猶言莒郊公黎比公也姊妹之子曰
甥王之甥卿士之子言尊貴也正義申毛謂釋詁云圻
大也傳以圻汾音同故亦爲大也王肅云大王王之尊

稱也申鄭謂汾作汾水之汾不得訓爲大且作者當舉其實不宜漫言大王故以爲厲王在汾因號厲王爲汾王也左傳稱王流于旼於漢則河東永安縣也永安西臨汾水故云在汾水之上以其久在汾地時人因以號之猶言莒郊公黎比公亦以所居之地而號之也此外猶有茲丕公著邱公之等篇案箋義爲長說文汾水出太原晉陽山西南入河从水分聲國語周語乃流王於旼注旼晉地漢爲旼縣屬河東今日永安箋云旼在汾水之上是也嚴氏詩緝曰解頤新語云晉侯居翼謂之翼侯晉人納諸鄂謂之鄂侯鄭叔段居京謂之京城大

叔及出奔謂之共叔其皆汾王之類乎朱氏集傳曰汾王厲王也厲王流于氐在汾水之上故時人以目王焉均依箋義是也

實墉實壑實畝實籍

傳實墉實壑言高其城深其壑也箋實當作寔趙魏之東實寔同聲寔是也籍稅也築治是城濬脩是壑井牧是田畝收斂是賦稅鎬案古音不分四聲實寔是皆同聲通用解見生民篇鄭以實作是解是也其必云實當作寔則似不知實寔之可通用矣

來旬來宣

傳句徧也箋來勤也句當作營宣徧也召康公名奭召
虎之始祖也王命召虎女勤勞於經營四方勤勞於徧
疆理眾國釋文來毛如字鄭音賚下同句毛音巡又音
荀鄭作營正義申毛謂王乃命召虎曰汝勤勞於徧服
四方勤勞於宣揚王命言其功實大已悉知之申鄭謂
句徧釋言文彼句作狗音義同毛旣以句爲徧則宣不
復爲徧當爲宣布王命也申鄭謂來勤釋詁文宣徧釋
言文上章云經營四方告成于王又言于疆于理至于
南海則召虎大功在此二事而已今王命召虎稱其功
勞則來句來宣當指此二事且宣訓爲徧句不宜亦訓

爲徧旬與營字相類故知當爲營來旬爲勤勞於經營
四方來宣謂勤勞於徧理眾國以統上二文也鎬案說
文旬徧也十日爲旬从勹日旬古文書皋陶謨曰宣三
德傳宣布也呂覽園道宣通下究注宣徧布也爾雅釋
詁來勤也小雅大東職勞不來傳來勤也此傳於來字
無文白與大東同毛意蓋謂王命召虎勤於徧布王之
政教耳鄭破旬爲營非經旨也李氏集解曰宣王命召
虎徧宣其政教不徒使之從事於武功也朱氏公遷曰
康公宣布政教在江漢之間今召虎征淮南繼乃祖之
業耳二說均是也汪氏異義曰傳義亦統上二事來旬

正謂經營四方故訓旬爲徧言悉經營之也上言王命召虎式辟四方徼我疆土則于疆于理正經界修分理而宣布王命在其中矣傳義殆不可易此疆以箋義爲傳義恐非

肇敏戎公

傳肇謀敏疾戎大公事也箋戎猶女也女無自減損曰我小子耳女之所爲乃嗣女先祖召康公之功今謀女之事乃有敏德正義申毛謂今我謀汝敏德大事足繼先君鄭唯戎爲汝爲異鎬案爾雅釋詁肇謀也說文敏疾也从攴每聲爾雅釋詁戎大也公事也毛詩訓戎爲

大傳例也訓戎爲汝箋例也外如戎雖小子等語箋義爲長此宜以傳義爲長蓋謂召虎謀其敏大之功以繼召公之業用是錫爾以福也如箋所云似說成肇戎公敏矣非也朱氏善曰汝能開敏汝功則我固當錫汝以祉福矣李氏樛曰爾當開敏其功我則錫予之福范氏處義曰肇始也敏疾也公事也自今以始能敏疾汝之事我用是錫汝以福此以肇爲開始與上召公是似意未浹後漢書宋閎傳引此公作功功與公古字同聲通用

對揚王休

傳對遂也箋對荅休美虎旣拜而荅王策命之時稱揚王之德美鎬案爾雅釋言對遂也皇矣以對于天下傳蕩流言以對傳均與此同易大壯上六不能遂虞注遂進也蓋對遂音近義同遂有進義對亦有進義對揚王休蓋謂進而稱揚王之德美耳箋義稍覺破碎

南仲大祖大師皇父

傳王命南仲於大祖皇甫爲大師箋南仲文王時武臣也顯著乎昭察乎宣王之命卿士爲大將也乃用其以南仲爲大祖者今大師皇父是也正義孫炎曰言王命於大祖謂於大祖之廟命南仲也皇父爲大師謂命此

皇父爲大師毛蓋見其文煩故以爲二人鄭以南仲爲
皇父遠祖止命皇父一人而已孫毓云宣王之大將復
字南仲傳無聞焉且古之命將皆於禘廟未有於后稷
大祖之廟者又經言南仲大祖明以南仲爲大祖非命
於大祖之文也箋義爲長鎬案古人同姓氏者甚多如
商湯時有臣扈太戊時亦有臣扈雲漢爲仍叔美宣王
節南山爲家父刺幽王春秋有仍叔之子來聘家父來
求車之類此詩云皇父十月之交亦云皇父卿士何獨
疑南仲不容有二人陳氏稽古編曰汲冢紀年有之云
帝乙三年王命南仲距昆夷城朔方此正出車詩所詠

事也胡氏後箋曰白虎通義爵篇曰王制爵人于朝與
眾其之詩云王命卿士南仲大祖祭統曰古者人君爵
有德必于大祖班氏多取三家詩此引祭統證詩大祖
意與毛同則知傳義師承甚古也二說均是也當以傳
義爲長

既敬既戒

箋敬之言警也警戒六軍之眾以惠淮浦之旁國謂勅
以無暴掠爲之害也正義箋以戒爲戒勅則敬非戒類
故知敬之言警鄭轉敬言警而毛不爲傳則毛不變敬
字當以敬爲恭敬戒爲戒懼使此二將恭敬以臨之戒

懼而處之不得與鄭同也鎬案正義申毛之義爲長輔
氏廣曰既敬既戒臨事而懼也敬戒乃用兵第一義能
如是則成功可必而南國可惠矣胡氏一桂曰既敬則
不敢輕肆既戒則不敢妄殺此其所以爲王者之師二
說均依毛義是也朱氏善曰軍事以敬戒爲主敬則無
一念之或怠戒則無一事之敢忽卽南仲所謂憂心忡
忡也爾祖南仲旣以敬戒而服獫狁於前矣爾其可不
以敬戒而惠此南國於後乎此解敬戒則是而解上文
南仲大祖句則非矣周禮夏官序官注引此作旣儆旣
戒警儆一字也此固是鄭義

三事就緒

傳誅其君弔其民爲之立三有事之臣箋緒業也王又使軍將豫告淮浦徐土之民云不久處於是也女三農之事皆就其業爲其驚怖先以言安之正義申毛謂豫告徐土之人我兵之來也不久畱不停處直誅爾叛逆之君爲汝立三有事之臣使就其事業當卽還師勿驚怖也申鄭謂以誅君弔民使之就業民之就業唯農事耳故知三事謂三農之事大宰九職一曰三農生九穀注云三農原隰及平地則三農謂此也鎬案王者征討爲民而已孟子言湯征葛一日耕者不變一日芸者不

變聖人聲罪致討以安民非以擾民此詩宣王命南仲
皇父征徐使民安三農之業毋或驚怖斯爲王者之師
若謂三有事之臣何以不言立其君如孟子所謂置君
而後去之者而但云立其臣耶箋義爲長范氏處義曰
旣爲視民之疾苦而來豈宜久畱處其地故速斂兵而
退使三農之事無所妨而就其業也曹氏粹中曰師之
所處荆棘生焉故必不畱不處然後三農得以就緒徐
氏鳳彩曰甫定淮南而旋事疆理方省淮北而軫念三
農民無失業則暴亂不足平矣李氏樞曰戒之不久畱
也不久處也當使三農就緒恐久畱於此則三農不得

就緒也諸說俱從箋義是也

匪紹匪遊徐方釋騷

傳匪紹匪遊不敢繼以敖遊也釋陳騷動也箋王舒安謂軍行三十里亦非解緩也亦非敖遊也徐國傳遞之驛見之知王兵必克馳走以相恐動釋文紹毛如字繼也徐云鄭人遙反緩也釋音亦鄭作驛音同謂傳驛也騷如字徐音蕭正義申毛謂釋詁云紹繼也以紹遊其爲一句皆是不敢爲之故云不敢繼以敖遊以宣王能終始如一釋陳騷動皆釋詁文申鄭謂此說軍已動發故以爲行匪紹匪遊各自言匪每者一義不得言繼以

放遊也故讀之爲紹訓之爲緩也釋騷則騷由此騷故
知釋當作傳驛之驛鎬案爾雅釋詁紹繼也說文紹繼
也从糸召聲國語晉語使寡君之紹續昆裔注穆天子
傳乃紹宴樂注均云紹繼也與此傳同爾雅釋詁論語
子罕釋之爲貴鄭注左氏宣十二年傳鋪時釋思注小
雅車攻會同有釋傳周頌賚賚時釋思傳均云釋陳也
廣雅釋詁陳列也文選東京賦陳師鞠旅辭注陳師猶
列師眾也竊意毛傳訓釋爲陳蓋謂徐方陳師之處見
宣王之師皆驚動而不能成列矣故下文卽繼以震驚
徐方也箋破釋爲驛非汪氏異義曰鄭讀紹爲召故訓

爲緩然古人設文正不若是之拘吉日旣伯旣禱一事也而兩言旣亦將謂每者一義乎胡氏後箋曰詩中如爰始爰謀謂於是始謀曰止日時謂止居於是似此文例甚多皆非每者一義二說皆是也可見傳義之不必易矣

鋪敦淮漬

箋敦當作屯陳屯其兵於淮水大防之上以臨敵就擒其眾之降服者也釋文鋪普吳反徐音孚陳也韓詩作敦云大也敦王申毛如字厚也韓詩云迫鄭作屯徒門反正義申毛謂布陳敦厚之陣於淮水漬涯之上鄭唯

以敦爲屯爲異鎬案廣雅釋詁三左氏宣十二年傳鋪
時釋思注均云鋪布也說文懞厚也从心辜聲集韻敦
通作懞易艮敦艮吉疏臨敦臨疏敦厚也正義申毛以
鋪爲布陳敦爲敦厚是也鄭破敦爲屯非經旨也韓詩
謂爲太迫不如疏義之優朱氏集傳曰鋪布也布其師
旅也敦厚也厚集其陳也范氏補傳曰鋪陳敦厚之師
於淮涯之上就執其羣虜二說均依孔義足以申明毛
旨

王猶允塞

傳猶謀也箋猶尙允信也王重兵兵雖臨之尙守信自

實正義申毛謂王師旣盛如此又王之謀慮信而誠實
用兵有常伐得其罪申鄭謂徐方畏威望軍而服不由
計謀所致故易傳以猶爲尙兵法臨敵設權王尙守信
自實所以爲美也鎬案論語述而必也臨事而懼好謀
而成者也行軍以謀爲主乃聖人戰則克之方此經征
徐有功歸美於王故曰王猶允塞爾雅釋詁允信也說
文允信也从儿曰聲禮記中庸不變塞焉注塞猶實詩
蓋美王之謀信實故能使徐方之來同也傳義不可易

舍爾介狄

傳狄遠箋介甲也王之爲政旣無過惡天何以責王見

變異乎神何以不福王而有災害也王不念此而改脩
德乃舍女被甲夷狄來侵犯中國者反與我相怨謂其
疾怨羣臣叛違也釋文狄毛他歷反鄭如字謂夷狄正
義毛讀狄爲逖故爲遠也則介當訓爲大不得與箋同
也王肅云舍爾大道遠慮反與我賢者怨乎鎬棠爾雅
釋詁介大也邊遠也集韻逃古从易或省文左氏傳二
十八年傳糾逃王慝注逃遠也漢書古今人表簡邊大
戴記帝繫史記殷本紀楚辭天問邊皆作狄蓋邊古文
逃義訓遠狄與逃音同假借故傳訓狄爲遠王肅述毛
之說是也說文引詩作舍爾介逃用毛義而用狄之正

字耳

維其優矣 維其幾矣

傳優渥也幾危也箋優寬也天下羅罔以取有罪亦甚寬謂但以災異譴告之不指加罰於其身幾近也言災異譴告離人身近愚者不及覺正義申毛謂以優爲優饒之義故爲渥也信南山云旣優旣渥是優渥爲豐多之意也幾危釋詁文上言優者謂自天降而多也此言幾者謂至人身而危二者相接成也申鄭謂以天之降罔是羅網寬廣優饒者寬容之義幾近釋詁文上寬者謂微加譴告告而不改則禍及其身故離人近二者亦

相接成但以忠臣諫君宜稱禍近爲切故易傳也鎬案
傳義正是忠臣諫君危言悚聽冀其或有悔悟之意箋
上言不加罰下言離人身近意稍背雖經正義申明之
而意義視傳爲迂范氏處義曰優猶多也幾猶危也天
禍旣多危故善人多罹其喪亡詩人愛君憂國豈不憂
思至於悲傷乎此依傳義是也季氏本曰罔卽上章所
謂罪罟罔優則投之者多罔幾則入之者近李氏樗曰
優毛氏以爲渥蓋天之降災罔其優渥如此其多也幾
近也言天之降災罔將及我矣此優義從毛幾義從鄭
不知天降災罔惟多故危毛義上下接成若謂多則近

豈少便遠乎若謂多與近各自爲義則旣非傳旨亦非箋旨也

草不潰茂

傳潰遂也箋潰茂之潰當作彙彙茂貌王無恩澤於天下天下之人如旱歲之草皆枯槁無潤澤錡案毛以潰爲遂蓋以音聲爲詁訓小雅小旻是用不潰于成傳亦以潰爲遂遂有勢不可遏果如其願之意箋改潰爲彙意與傳遂字意不遠適見多事耳韓詩外傳草作莫誤如彼棲苴

傳苴水中浮草也箋王無恩惠於天下天下之人如旱

歲之草皆枯槁無潤澤如樹上之棲苴正義申毛謂苴是草之枯槁逐水流者故云苴水中之浮草如是則棲爲浮義謂棲息於水上也中鄭謂棲者居在木上之名謂水上爲棲理亦不愜故以爲如樹上之棲苴苴是草木之枯槁者故在樹未落及已落爲水漂皆稱苴也此經再言如者言民如旱草草又如苴鎬案正義皆誤傳文往往從略其云水中浮草單訓苴未訓棲也鄭云如樹上之棲苴蓋謂苴本水草今棲於木上故枯槁耳鄭與毛一意非有異也疏謂在樹爲水漂皆稱苴不知苴從草不從木何云在樹乎苴又水草何云在樹未落及

已落乎在樹未落何云爲水漂乎詩再言如彼自是同
言民田疏云民如草草如莛亦非箋旨

彼疏斯稗

傳彼宜食疏今反食精稗箋疏麤也謂糲米也彼賢者
祿薄食麤而此昏祿之黨反食精稗米之率糲十稗九
糲入侍御七鎬案傳義爲優李氏集解曰小人當食疏
而乃食精稗以見小人而食君子之祿也范氏補傳曰
小人宜食疏糲者乃食此之精稗謂小人食君子之祿
汪氏異義曰下言胡不自替單指小人彼疏斯稗與下
聯貫不宜分指傳說爲是胡氏後箋曰傳意以斯爲今

正對上文言昔時富賢者此言富小人也或以斯爲語
詞斯猶乃斯干乃安斯寢卽乃安乃寢猶下文乃寢乃
興也若謂對彼爲此則詩中如彼路斯何又豈得以文
稱彼此有相形之勢乎數說俱依傳義是也季氏本日
糲疏稗精各有其分宜疏而精猶以小人而乘君子之
器也此謂以疏稗喻君子小人然傳箋皆不以此爲興
季說非也

不云自頻

傳頻厓也箋頻當作濱厓猶外也自山也池水之溢山
外灌焉今池竭人不言山外無益者與言山之也釋文

頻舊云毛如字鄭作濱音賓俱云厓也案張揖字詁云
頻今濱則頻是古濱字者與音餘鎬案釋文是也蓋古
字同聲皆通用正義申毛謂傳作頻者蓋以古多假借
或通用故也此說甚允不必改頻爲濱也

